

পিঁপড়া ও পায়রার গল্প

শুনি ও পড়ি



এক নদীর ধারে একটা ছোটো পিঁপড়া বাস করত। একদিন তার খুব পানির পিপাসা পেল। সে পানি খেতে নদীর ধারে গেল। নদীতে অনেক ঢেউ ছিল। পিঁপড়াটি নদীর ঢেউয়ে ভেসে গেল।

নদীর পাড়ে একটা বড়ো গাছ ছিল। সেই গাছে একটা বড়ো পায়রা বাস করত। পায়রাটি দেখতে পেল, পিঁপড়াটি পানিতে ভেসে যাচ্ছে। সে তখন গাছ থেকে একটি পাতা ফেলে দিল। পিঁপড়াটি পাতার উপর উঠে বসল। এরপর ঢেউয়ে ভাসতে ভাসতে ডাঙার কাছে চলে এল। এভাবে পিঁপড়াটি বেঁচে গেল। তখন পায়রা আর পিঁপড়া ভালো বন্ধু হয়ে গেল।

একদিন পিঁপড়াটি দেখল, গাছের নিচে একজন লোক দাঁড়িয়ে আছে। তার হাতে তীর-ধনুক। লোকটা পায়রাটিকে মারার জন্য তীর ছুড়তে গেল। তখন পিঁপড়াটি লোকটার পায়ে অনেক জোরে কামড় দিল। লোকটা ব্যথায় উঃ উঃ করতে লাগল। তখন লোকটার ধনুক থেকে তীর ছুটে গেল। কিন্তু তীরটা পায়রার গায়ে লাগল না। তীরটা গিয়ে গাছের ডালে লাগল। পায়রাটি সাথে সাথে উড়ে গেল। এভাবে একটা ছোটো পিঁপড়া একটা পায়রার জীবন বাঁচাল।

বলি

কে ছোটো, পিঁপড়া না পায়রা?
পিঁপড়া কেমন করে বাঁচতে পারল?
পায়রা কেমন করে বাঁচতে পারল?



পাঠ ৪৭
আজকের দিন

১০/৮
২২

শুনি ও পড়ি

আজ অনেক রোদ। খুব গরম লাগছে।



অনেক মেঘ করেছে। আজ মেঘলা দিন।



এখন অনেক বাতাস। ঝড় আসছে।



শীতকালে শীত লাগে। গরম কাপড় গায়ে দিই।



খুব চমৎকার দিন। চলো, বেড়াতে যাই।



বলি

আজকের দিনটি কেমন?

ঝড়ের দিনে কী হয়?

শীতে গরম কাপড় পরতে হয় কেন?

কেমন দিন তোমার ভালো লাগে?

নিচের বামপাশের শব্দগুলোর সাথে ডানপাশের শব্দগুলোর মিল করো

নদী

পাখি

সবুজ

ঝড়

ঘুম

গান

নৌকা

বাতাস

বিছানা

পাতা



ছুটি

রবীন্দ্রনাথ ঠাকুর

মেঘের কোলে রোদ হেসেছে
বাদল গেছে টুটি,
আজ আমাদের ছুটি ও ভাই,
আজ আমাদের ছুটি।
কী করি আজ ভেবে না পাই,
পথ হারিয়ে কোন বনে যাই,
কোন মাঠে যে ছুটে বেড়াই,
সকল ছেলে জুটি।
আজ আমাদের ছুটি ও ভাই,
আজ আমাদের ছুটি।
(অংশবিশেষ)

কবিতাটি পড়ি

না দেখে কবিতার চারটি চরণ লিখি
শব্দগুলো দিয়ে বাক্য বলি ও লিখি

ছুটি _____
বন _____
পথ _____

খালি জায়গায় শব্দ লিখি

মেঘের কোলে _____ হেসেছে।
পথ হারিয়ে কোন _____ যাই।

ফাঁকা জায়গায় চরণটি লিখি

বাদল গেছে টুটি।

সকল ছেলে জুটি।

ছুটির দিনে আমি কী কী করি তা নিয়ে তিনটি বাক্য লিখি



পাঠ ৪৯ আমাদের দেশ



আমাদের দেশের নাম বাংলাদেশ। এ দেশে অনেক নদী আছে। নদীতে নৌকা চলে।
পাখিরা গান গায়। গাছে গাছে ফুল ফোটে।

এ দেশের আকাশ নীল। আকাশে সাদা মেঘ উড়ে বেড়ায়। রাতে চাঁদ ওঠে। খুব
ভালো লাগে।

এ দেশের পাহাড় সবুজ। ফসলের মাঠ সবুজ।

মাঠে মাঠে ফসল ফলে। খালবিলে অনেক মাছ পাওয়া যায়।

ভোর বেলায় দোয়েল ডাকে। দোয়েল আমাদের জাতীয় পাখি।

আমাদের দেশ খুব সুন্দর।



যুক্তবর্ণ শিখি

আনন্দ ন্দ

ন	দ
---	---

খালি ঘরে লিখি

আমাদের দেশের নাম

এ দেশের আকাশ

খালিবিলে পাওয়া যায়

আমাদের জাতীয় পাখির নাম

আরও লিখি

লাল | (যেমন : লাল জামা, লাল কলম)


সবুজ

হলুদ

নীল

সাদা

কালো



বলি

আমার দেশকে কেন ভালো লাগে?

লিখি

আমাদের দেশ নিয়ে তিনটি বাক্য লিখি

১.

২.

৩.



পাঠ ৫০
মাছের রাজা



ইলিশ আমাদের জাতীয় মাছ। ইলিশ মাছের রং রূপালি। ইলিশ মাছ সাগরে থাকে। ডিম দেওয়ার সময়ে নদীতে আসে। ইলিশ হলো মাছের রাজা। ইলিশ ভাজা খেতে মজা। আমি ইলিশ মাছ খাই। মা ইলিশ মাছ খান। বাবা ইলিশ মাছ খান। আমরা সবাই ইলিশ মাছ খাই।

বলি ও লিখি

রুই/ইলিশ/বোয়াল

ইলিশ কোথায় থাকে?

সাগরে/পুকুরে/বিলে

ইলিশকে কী বলা হয়?

মাছের রাজা/মাছের রানি/মাছের উজির